

皇朝通志

皇朝通志卷七十四

選舉略三

考績

臣等謹按三載考績列於虞書六計弊吏詳於周官誠鉅典也西漢以六條察二千石東漢掌於三公魏晉考課之制蕪而不備唐之課最條目紛如宋承五代之後民樂便安吏易爲治故其時節目疎闊亦各因其勢而然也元之六事專尙簡要明世責歸部院多循資格其甄別去取奉行文具而已我朝法制詳密黜陟嚴明○○○列聖訓諭皆殷殷以察吏安民爲首○○皇上澄清吏治凡屬考課卓異之員聲名既悉於平時才具又得諸引○○見所由吏飭廉隅將嫺軍旅內外百司莫不恪供厥職謹按我朝體制考課之人六部卿寺官屬則尙書侍郎卿監主之侍衛及護軍官屬則領侍衛內大臣主之滿洲蒙古漢軍八旗則各都統主之直省文武職則督撫提鎮主之考課之期內外文職定以三年武職期以五年考課之名則有京察大計軍政法制釐然至精極備謹條分縷析載諸令典爲萬世法守云

天聰五年六月

敕定考課黜陟等差六年二月定城守官員三年任滿者赴瀋陽考察功過八年考察管轄漢民各官

崇德八年十二月申三年考察之○○命

順治二年五月覆準有司殷最宜以守已端潔實心愛民者爲上考若僅幹理簿書惠鮮無策雖有才能止註中考三年七月奏準朝覲考察首重五花冊部臣卽照舊式頒發各撫按令其趨造齋送冊內敘明朝覲官員姓名起程日期限十日到部其應朝覲官員俱限十二月到京賢否考語亦惟撫按定註考語止用才守政年四格須按人指事明白直書四年二月

上諭天下人民困苦極矣朝廷之德意時勤郡邑乏阻格如故優游日月蚤覲陞遷雖婪墨間有糾彈而姦猾每多賄脫朕甚憤憤茲當大計已嚴飭諸司貪酷懲懲闡茸罔貫爾等姑準留任仍服舊官尙思祿濯前愆勉圖後效滌穢濁以清廉易煩苛爲寬大于以助流愷澤永保治安庶稱朕奉○○天子民至意嗣是每遇大計入覲之年必嚴切○○訓諭之十月奏準計典定期制凡大計處分官員不準還職八年二月甄別科道又○○敕吏部具列各部院堂官職名○○上親行裁定閏

二月○○○敕部嚴行甄別直省地方官九年四月奏準朝覲計典令藩臬各一員各府佐一員代覲朝覲計典三年一

官入親至是 五月吏部奏言京察應以 ○皇上親政辛卯年為始六年一次遇寅申年舉行從之 兵部舉行軍政年更定其例

月家同 十年正月 ○○敕各衙門事件依限註銷又定大計年科道糾拾例二月考試翰林各員分別陞調有差三

月考試吏禮二部翰林侍郎及三院學士詹事府以下分別去留 嗣是翰林各員考試謂之大考皆分別優劣陞調降革各有差乾隆二年八年十三年十七年二十三年二十八年三十三年五十年

疊加考試分別黜陟 四月甄別在京官員十一月考核直省督撫分別加銜降革有差十一年十二月

上諭吏部近來言官未見有建白切當及糾參顯要者皆因懼被論之人反唇仇訐遂爾緘口自今以後凡被論者如有辯處止

許就所參事款據實剖白不許反唇仇訐有乖法紀言官亦不得挾私誣捏自取咎戾其參奏公私當否或現任或陞任考察

京官之時該部分別核奏以為勸懲爾部即行嚴飭十二年正月考選軍政照文官例卓異者 ○○賜服旌勸四月 ○○

敕定滿漢庶吉士同一甲翰林每歲面試六次七月議定官員考滿分別議敘有差十三年二月

論部院官三年俸滿者三品以上自行具疏吏部分別議奏四品等官各衙門咨呈吏部分別議奏其六年一次會行京察之例

三品以上自陳四品等官各衙門咨呈吏部吏部會同都察院察議具奏考核之時加陞者有罪者及才能不及老疾等項詳

細開列永為定例四月奉

上諭朕所與其圖治安者惟監司守令是賴朕親政六載於茲勵精圖治不敢懈逸振飭官方未嘗寬假今又當大計之年已

嚴飭所司重懲貪酷俱如例降革外姑準爾等仍服原官毋謂塗飾可以久施毋謂僥倖可以常恃宜各正直存心清廉持

己勉圖後效十五年五月定督撫按臣舉劾例 督撫按舉劾各官其庸碌者計不時查參其薦舉者大省不過十 十七年三

月

上諭在京各衙門官員宜加澄敘以勵官常大學士尙書等俱著自陳侍郎以下俱著開列職名候朕親行甄別嗣吏部甄別

京官開列各衙門職名進呈得

旨三品以上各官開列職名候朕親加甄別四品以下各官吏部甄別具奏旋以外省各督撫任內功過稱職與否 ○○敕

-5 75 45 945" data-label="Text">

該部詳加甄別十八年七月停止滿郎中京察考滿自陳例
康熙元年三月停直省藩臬兩司大計入覲之例五月 ○○敕京察考滿各官俱照考語等次先後陞轉六月停止
京察以考滿舉劾分別去留武職亦如之三年十一月
上諭內外大小文武各官除今年考滿外以後每三年彙考一次其到任未經三月者不必考向來自陳等官仍照舊例自行

陳奏候旨定奪尋議在外各官每人一本具題事務繁多今定考一等二等三等及辦事不及不稱職者各一疏每省會齊

具題其辦過事件功過亦造冊送部院部院官仍照例覆考從之四年正月停止考滿例六年二月遵○○○旨議覆

仍舉行京察大計軍政例又定舉行軍政事宜各屬武官令該管官填註考語一曰操守一曰才力一曰才德三月○○○

敕各省提督聽總督註考四月議準卓異官以清操爲首列十一月議準復行薦舉卓異薦舉原係並行因舉行考滿將薦舉停止今停止考滿故復薦

舉七年九月停總兵軍政自陳例十二年七月奏準各省大計年分仍令藩臬親身朝覲二十三年三月甄別州縣遇

事不結者罷之二十四年九月禁止大計舉報藩臬卓異二十五年二月直隸各省朝覲官員行禮畢奉

上諭國家三載考績原以崇獎廉善擯斥貪殘今當大計已嚴飭所司重懲貪酷餘俱如例降革其有衆論不孚是非失實者特

黜一二以警積玩外姑準爾等仍服原官嗣後務須洗滌肺腸勉圖自新毋貌承心違蹈常習故國憲具存決不爾貸三月覆

準嗣後大計各省藩臬及各府佐貳官員入覲之例通行停止照慶賀○○○萬壽表章例每省委道官一員齋冊入覲

至官員賢否去留止以督撫文冊爲憑造五花冊三本分送吏部都察院吏科其藩臬二司所造冊籍俱行停止二十六

年四月奉

旨直隸巡撫千成龍著加太子少保銜以爲廉能稱職者勸三十一年十一月議準河官大計如係管理河務兼有錢糧之責者

總河督撫各行考核其專係河官令總河考核四十四年五月○○○敕嗣後薦舉卓異務期無加派無盜案無虧空民

生得所日有起色據實註考其他虛文不必開入六十年十二月遵奉○○○世宗憲皇帝諭旨議定在京武職官員

如領侍衛內大臣八旗都統前鋒統領護軍統領副都統步軍統領等俱係近○○○御大臣不必令其自陳遇五年考

選軍政時各將屬員詳核填註考語照外省薦舉及八法例分別具奏各省駐防將軍都統副都統等照提鎮例自陳其

屬員俱照京城之例舉行至德州等處之城守尉尉協領派大臣前往考選其屬員即會同城守尉尉協領等詳核填註考語

具奏

雍正元年二月○○○敕嗣後卓異官員有不合例者將何人保舉并與例不符情由另行開明具奏又○○○敕甄別

翰詹衙門官員六月○○○敕大計軍政年分平等官員亦註明考語報部大計軍政年分向例惟舉行卓異八法至是

選舉略二

出兵効力之處甚多將伊即行革退致令無以度日深屬可憫應另行分晰具奏朕自加恩其雖無効力行間之處而供職年久者伊身逢太平之世何由經歷戰陣爾等亦宜留心驗看二年三月○○○敕大計軍政革職人員卽令解任若具題之後或應免其革職者仍可再行補授七月○○○敕文官在軍前効力者卽著兵部議敘又○○○敕各省副將以下遊擊以上官員輪流引見三年三月左右兩翼軍政革職官員引○○○見管旗大員奏

上諭保舉卓異乃該旗大員要務非陞進官階可比其人平常不應保者伊等或受請託入于其間朕必將徇情薦舉之人治罪又

諭部院官之兼武職者但由該旗保舉其在部院衙門行走如何之處該旗大臣並不得知俱令部院衙門于京察時察覈八月

○○○敕於滿漢御史內揀選賢員稽察各省盜賊九月○○○敕降敘留任官員遇有恩詔加級及議敘加級者俱準抵銷至於降級後捐納加級者不得抵銷前案四年正月○○○敕部院司官將本司筆帖式分別勤惰優劣據實奏明所舉當

否許筆帖式公同面質三月定計舉劾官員引見例計典薦舉卓異官員吏部會同都察院考核合例者引見如才品兼優卓異註冊回任候陞降敘開俸者不準卓異又

參劾等官除貪黷外俱準其交代清楚給咨赴部引見四月○○○敕嗣後遇京察之年著內閣滿漢大學士吏部都察院吏科河南道公同閱

看著爲例六月吏部兵部奉

旨被參開復人員皆特恩超拔若居官仍有貪賄不法之事從重治罪捐復者亦如之又定隨征護衛官員令領兵將軍將功績

據實報部分別等次照出征官兵議敘七月

申諭各直省督撫布按等官安民察吏興利除弊之道九月○○○敕旗人外任騎射生疎者効之十月○○○敕各部堂官將

所屬各司詳加甄別有材具平常目前不能辦事將來不堪應用者盡行舉出與應留辦事人員一同帶來引見請旨各部堂官不得瞻徇情面稍有容隱又定革職留任之員四年無過該督撫等題明準其開復五年二月○○○敕沙汰千

把總選擇拔補三月

敕嗣後凡遇御門理事之日著滿司官四員漢司官四員一體輪流侍班引見若有條奏之事卽於侍班時密封具奏止許條陳

一事不得以數事並奏八月

敕各省副將參將著該省之督撫提鎮會同分別列爲一等二等三等出具考語密咨兵部添寫履歷年齒鄉貫繕寫進呈其副將參將中有曾經特用及該上司題陞者亦仍分別等次出具考語一體咨部十月

敕嗣後由京補授盛京滿漢司官歷俸三年方行陞轉如三年內遇應陞之時爾部奏聞以陞銜留任仍以陞銜較俸六年五月山西太原總兵袁立松奏平垣營守備梁玉年已六十八歲雖干八法而精力不衰且操守廉潔辦事敏練奉

上諭八法內開列年老著益謂其衰老不能辦事故令罷斥並非限定年逾若干卽入於八法之內况年老諳練事務之人尤爲

難得今袁立松將伊填入八法參劾之內並非體朕愛惜人材之意梁玉著仍留原任並令袁立松酌量梁玉既年老歷練若

可勝遊擊之任遇有缺出著卽題補又遵○○○旨議定嗣後文武卓異之員原任內有舉行貪酷不法處原薦舉卓異之上

司不行揭報題參者查無提鎮降五級調用司道府副將遊擊等均行革職若文武官員卓異之後或復回本任或陞轉

他省別犯貪贓不法之款其原薦舉之各上司分別降級調用不準抵銷八月

上諭知府一官管理通郡有察吏之責內有循分供職不能察吏而又素無過犯不至於參劾者著各省督撫甄別具題以在京

部屬改補仍令該員暫留本任辦事一面揀選能勝知府之任者保題引見如所保人員可用準其補授俟伊到任後著前任

知府交代清楚來京以部屬之缺改用若所保人員到京引見時察其材具亦屬平常則仍將前任知府留於原任九月定湖

廣南北二省千把總人員分隸考試八年三月

敕在京文武各官有因公註誤至於降革而任內無錢糧不清及治罪之案者準照外員之例令該堂官該旗大臣出具考語

奏聞帶領引見或將該員仍留原任或另行試用或照例降革俟朕降旨定奪十二年四月

上諭各省卓異人員俱有現任地方之責每當大計之年理應先行具本候旨敕交部院查議其與例相符應準卓異者奏聞

令其進京引見其與例不符不準卓異者候朕酌量引見可否再降諭旨如此則地方事務不致廢弛而與例不符之員亦

不徒費往返將此永著爲例

乾隆元年二月○○敕掌院學士以下編檢以上各以己意擬寫上諭一道陸續進呈嗣後庶吉士散館後卽照此例

行六月定各省卓異官回任候陞例正途出身之知縣例以主事陞補有數年不得缺者故有是言二年二月

敕定親老改近人員坐補原缺後若在任三年無過準通算前俸陞轉十月定軍政年老之出兵効力武弁分別優卹例十一

月遵○○旨議定嗣後京察之年應行考察官奏準引見列爲一等者準其加一級註冊至盛京五部等衙門三年期

滿調回之時準列一等者引○○見并加一級三年六月○○敕各督撫將屬員賢否隨時奏聞四年三月○○敕各

省道府來京引見五月覆準嗣後京察六法官員照外省大計例令各該衙門咨送吏部引○○見向例年老有病浮

錄不謹罷軟無爲

才力不及并食鹽等入法嗣以食鹽

五年十月

○敕大學士九卿留心考察督撫賢否六年五月甄別各省知府六

月遵○旨議定各部院派往軍營辦理糧餉人員三年期滿更換回京令該將軍出具考語保題分別等第至派往

生臺官員並照此例十一月○敕各省督撫提鎮分別副將參將等第五年舉行一次八年六月○敕督撫以務

農本計察核屬員十月○敕大臣自陳乞罷斥者各舉德行材能堪以自代之人十一月定四五品京堂京察送吏

部都察院過堂注考之例又○敕外官罰俸處分準以加級改作紀錄抵銷十一年十一月

上諭察核司員惟堂官最爲親切如上次定以一等者三年中行走平常即當改爲二三等上次原列二三等者二年以來知所

奮勉即當列爲一等明歲又屆京察之期特先行傳諭各部院堂官知之十二年五月○敕京察之年自陳大臣舉賢

自代本省督撫不得舉本省藩臬本省縉紳不許舉本省官員十三年五月定郎中儘滿外補道府分別繁簡選用之例

八月罷大臣舉人自代例十五年三月

敕御前大臣領侍衛內大臣御前侍衛乾清門侍衛等兼理閣部及八旗事務者遇大計軍政俱著不必自陳餘仍照舊例

行又

敕京察年分凡四五品京堂吏部請派王大臣秉公驗看分別一二三等應留及應去之員摺奏引見以定黜陟十七年六

月○敕京察大計凡部院大臣各省督撫自陳之例著停止武職五年軍政視此十八年二月○敕吏部於京察時

將三品京堂開列事實另冊進呈九月

敕甄別六年俸滿教職凡保題及留任者俱送部引見衰邁者休致二十二年六月定甄別年滿千總送部引見以六年舉

行一次二十三年正月○敕各省提督慎選水師員弁二十四年二月

敕嗣後京察人員因新任年例未滿移咨前任註考列爲一等者於引見時另分一班仍不得因此分班之旨轉增各部向

來一等等定額又

敕嗣後吏部於京察時將在京尚書侍郎以下三品京官以上及在外總督巡撫分別二本兵部於軍政時將在京都統副

都統在外駐防將軍都統副都統及各省提督總兵官分列二本兼繕簡明履歷清單進呈九月定各省道府六年引○

○見之例二十八年二月定凡各營千總六年甄別留任其後即以三年甄別一次二十九年二月○敕甄別六年俸

滿教職留任者無庸引見四月遵○旨議定凡各省大計薦舉官員因有錢糧處分及別故降革留任未經開復止與

附薦者吏部議覆時必查係現任兼三兼四繁缺歷俸又滿五年之員方以可否引○○見聲請○○欽定簡缺官不在此例此等附薦人員題本到部而其處分案適屆開復卽與正薦官一例調取引○○見凡正薦卓異官俸次以本省三年爲滿其別省歷俸不準接算又奉

上諭緣事降調人員應行送部引見者例由督撫具考其離任候補人員仍著原隸之督撫具考送部十月復奉

諭旨官員離任請咨回籍時該督撫卽具切實考語咨明本籍俟赴部時由本籍督撫查敘原咨無庸前赴原隸衙門註考三十年四月○○敕各省送部引見歷俸六年之道員副將其勝否臬司總兵之處該督撫摺摺內不必聲敘三十二年四月奏準大計之年藩臬二司令該督撫出具考語隨本進呈七月覆準翰林院學士及詹事府庶子遇京察之年俱入四五品京堂內一體請○○旨歸王大臣驗看分別等次引○○見二十三年二月○○敕嗣後京察二三等人員內凡年至六十五歲以上者並令吏部另行帶領引見三十五年七月覆準嗣後各省大計無論正附薦臬之員歷俸未滿三年該督撫違例列入將該督撫照越次保題例議處三十六年二月覆準凡○○○廢寢筆帖式京察照部院之例辦理又覆準京察一等人員擢用外任或陞補京職犯職者原保之堂官一例議處又○○○敕停庶吉士保列一等之例又

敕嗣後滿洲翰詹各員兼部行走列在一等者卽入各該部保送數內比較其仍歸本衙門別班聲敘之例不必行所有各部院官到任未滿半年仍由原衙門註考之例永行停止至無衙門人員在繕書房行走列爲一等者吏部另行引見嗣後讀祝鳴贊等官陞任後兼本寺行走者仍由該寺堂官註考保送著爲令三十八年二月○○○敕大計之年督撫等將

藩臬考語另摺具奏聲明毋庸隨本夾單三十九年二月奏準嗣後部院官適屆京察離任續補別衙門者仍由原衙門註考列爲二等三月奏準到任未及半年人員由原衙門保送得缺者京察時列爲一等其年滿調京得缺者列爲三等嗣後京察視此例十月奏準六法人員情願赴部者於部覆到日限六個月請咨赴部引○○○見過期毋庸送部十一月○○○敕各省綠營旗員弓馬生疎廢弛營伍者著卽解任回京十二月議準軍營陞用人員如係本案立功陞擢者卽將此次議敘扣除其非本案陞擢者不扣四十年二月吏部遵○○○旨議定京察大員凡由別衙門陞調新任及由外任陞補京職在現任內歷俸已滿一年者準其一體保薦又兵部覆準應陞都司之衛守備如有正雜錢糧經徵不及一分至一二分以上者俱於准陞本內聲明扣除令其離任協同新任官徵收完日開復赴部引○○○見恭候○○○欽

定四十一年八月

敕派出考試世職之大臣等必令各員俱射三箭加意詳閱再定等第揀選其軍政等處特派王大臣考試步射者俱照此遵行四十二年五月

敕京察一等人員吏部引見進呈比較清單著將上兩次數目一併開列若此次比上屆多一人而較之再上次數仍相仿即可毋庸裁減十月

敕督臣將所屬總兵亦照副參之例出具切實考語分別等次每屆五年密爲陳奏一次其無總督省分卽著兼提督之巡撫遵照辦理又

敕伊犁等處協領等項官員遇軍政之年卓異者奏明註冊俟伊等陞缺引見時將卓異之處一併聲明十一月奏準嗣後緣營衛所武職薦舉後尙未陞轉再逢軍政列入平等者卽將上次卓異加級註銷不準陞用四十四年五月議準營衛年滿千總回任候陞者至二次甄別仍令督撫給咨送部引○見四十八年三月○敕京察時滿漢內閣學士副都御史仍著吏部開列題本外其餘大小三品京堂俱著吏部一體帶領引見五十年三月遵○旨議定凡現任官員親年八十以上并獨子之親年七十以上在籍者通飭自行呈明終養其迎養任所者遇卓異俸深俸滿應陞時令預先呈明督撫咨部暫停引○見推陞侯可以陞用時再行引○見陞轉不預呈明者嚴加議處候補候選人員均視此例九月議準各省保題卓異佐雜人員由吏部核覆準具題註冊候陞毋庸送部引○見候陞至知縣以上等官再行引○見如有才具不能勝任者原保之督撫司道分別議處十一月遵○旨議定各省正薦卓異員數並裁去附薦之名一併歸入正薦定數之內

學校

臣等謹按學校之設所以廣造士樂育才也周兼四代於古爲隆漢興太學始置博士魏晉以後瑣瑣無足言者至唐而國子監置六學生徒至八千餘人稱盛一時宋蘇湖教術猶有三代遺風金元迄明京師至於州縣莫不有學要之選擇師儒豐其廩餼期以通經致用固不僅詞章之末也我○朝○○列聖加意培養恩施至渥我○○皇上壽考作人多方獎勵廣勵官學儒術昌明薄海內外道德同而風俗一願以京師地稱首善元明以來辟雍之制闕而未講○○皇上參稽古制創建宏規○○親舉臨雍之典○○講示經義圖橋觀聽者皆若振矇發聵躬於笙簧鍾鼓彬彬郁郁誠非

漢唐以來所得而比倫矣其制詳見禮典茲不重出謹考學校規制以及○○○列聖造育鉅典雖大部居列於篇

順治元年定每歲春秋仲月上下日事各府州縣各行釋奠於○○○先師之禮以地方正印官主祭二年準滿洲子弟就學肄業分爲四處每處用十人教習每十日赴國子監考試一次又定酌取京省生員教習八旗子弟八年準該管有司官於諸生進見設立門簿九年定提學官按臨之日考試儒學教官學行分別勸懲又定每鄉置社學一區又題準各提學官督率教官令諸生將所習經書義理講求寔踐不許別創書院及號召遊食之徒空談廢業又刊置卧碑於明倫堂之左曉示生員十年題準生員犯小事者府州縣行教官責懲犯大事者申學政黜革然後宥罪又定每旗各設宗學凡宗室子弟十歲以上俱入宗學教習清書其漢書聽自延師教習十二年停生員考取及志教習令禮部會同國子監於監生中考試選補十四年

敕八旗滿洲漢軍每佐領送官學生一名讀書蒙古兩佐領送官學生一名讀書十六年

上諭士習不端結社訂盟把持衙門關說公事相煽成風著嚴行禁止以後有犯者該學臣卽行黜革參奏學臣徇隱事發一體治罪又題準教習既改用監生今後考選教習令本監自行取用十七年議準考選教習止用恩拔副貢生其準貢例貢不准考取十八年

敕滿洲漢軍每佐領各增官學生一名其送子弟二人一習清書一習漢書止許武官及甲兵子弟開送文學子弟不准開送

康熙元年定八旗官學生每月赴監讀書一次五日射箭一次二年議準學臣考試文武生員衡文之外分別實行優劣勸懲四年停止恩拔副貢貢考取教習於官蔭準例監生內未經考職者考試補用六年以教習闕人先儘取恩拔副貢官蔭等生如無此項仍將準例監生考取又舉人願就教習者一體與考又定官學生除國子監考課外每年禮部嚴考一次十二年議準八旗教習仍令恩拔副貢貢生考充其舉人官蔭準例監生停其考用二十二年議準各省學租及米量給廩生食士以助膏火二十四年遵○○○旨議定北上門兩旁設立清漢書官學即學清書三房每房各設教習三人於內府執事人及閑散人內選取老成可爲師範者補授漢書三房每房設教習四人移咨禮部於生員考取文理優通者補授凡內府人有家貧不能讀書者聽其入學肄業二十五年議準直省武官協領副將以上遇○○○文廟祭祀並令陪祀行禮二十七年議定給贍貧士學租每年造冊報部二十九年議定學宮關繫文教凡官民等經過者皆下車馬並禁於學宮內放馬汚踐又

敕景山學簡選內閣書射之中書三人補授滿教習令教清書照常食俸其內府選取之教習給以執事人錢糧三十年定○
盛京左右兩翼各設官學二所滿學教讀滿書漢學教讀漢書均教習馬步箭幼童十歲以上者每佐領內各選一人滿
洲漢軍旗分學習清書○國語蒙古旗分兼習滿洲蒙古語三十九年議準恭請○○○御製教條發直省學宮每月朔
望令教官傳集生員宣讀訓飭四十一年京師崇文門外設立義學○○○領賜○○○御書廣育羣才匾額五城各設
一小學延師教育成材者選入義學又○○○御製訓飭士子文頒行直省各學四十二年遵○○○旨議定部選教職
令撫臣考試考居一二三四等者令其赴任五等者令歸學習六等者革職四十四年議定貴州各府州縣設立義學教
習士司承襲子弟及其族屬人等苗民子弟願入學者亦令送學四十九年○○○敕直省府州縣致祭○○○先師凡同
城大小武官均入廟行禮五十二年議準直省府州縣各立義學五十四年

上諭每年春行幸水近見民生粗安但移風易俗莫過讀書兄畿輔之地王化所先宜令窮鄉僻壤皆立義學該撫卽遍示
莊村俾知朕崇文好學深意五十九年議準廣西土屬其十五處各設義學一所土屬子弟有文義者令就近流官州縣附
考取進六十年準以新進士考補教習

雍正元年

敕各直省現任官員自立生祠書院令改爲義學延師授徒以廣文教又議準州縣於大鄉鉅堡各置社學擇生員學優行端
者補充社師於學臣按臨之日申報查考分別去取又定新進士除選庶吉士外揀選學問好者令爲○景山官學教
習又定歸化城土默特兩旗每旗設學一處教習兵丁子弟滿洲蒙古繙譯又定八旗蒙古護軍領催驍騎內通曉經
籍明白繙譯熟練○國語蒙古語者選取蒙古教習十六人分旗赴學與助教同教蒙古官學生二年議準八旗左右
兩翼各設覺羅官學滿漢教習各二員覺羅子弟不能延師情願讀書者準入肄業又議準○○○聖廟音樂儉舞大典
攸關○○○聖祖仁皇帝頒發中和韶樂非常異數○闕里所奏音節未諧令衍聖公選人赴太常寺演習訂正轉相
傳授又設立宗學左右兩翼滿漢學各一擇宗室內分尊齒長者令掌教習奉

上諭朕惟睦族敦宗務先教化特立義學簡選爾等教習隨其資質勸學興行從來立教之術莫要於獎善懲惡善不獎不能
使之勸惡不懲不能使之改爾等既膺簡任務期勤慎勉恪恭厥職以副朕篤厚宗親殷勤教育之至意三年奏準將○
○文廟祭器樂器式樣刊刻頒行直省畫一製造又議準王公將軍及閑散宗室子弟十八歲以下願就學讀書者均令入

宗學分習清漢書兼習騎射又漢教習缺將舉人及恩拔副成優貢生由禮部奏請

考試舉

山寶羅教習又申嚴士子糾眾結社之禁又議準刊布

宣讀四年

上諭滿助教一官有教訓士子之責傳諭各部院衙門將滿洲筆帖式內爲人老成有行止者保舉引見其應考繙譯者仍照例

考試五年議準貢監令學臣約束照依生員之例令州縣官設立門簿凡貢監出入衙門逐一填造每月申報督撫學政嚴加

查核

副榜貢生一體考取助教又議定每旗額設官學生滿洲六十人蒙古漢軍各二十人滿洲額內以三十人習清書三十

人習漢書凡學生缺額該旗不拘佐領擇聰秀者申送都統驗看交國子監考錄送入官學幼者令習清文長者令習漢

文每旗設漢教習五人教習漢文每人月廩銀二兩米二斛每年人給夏秋衣一襲二年人給冬衣一襲給官學生滿洲

蒙古每月銀一兩五錢漢軍每月銀一兩又議準各省城春秋上丁祀

學政考試各府即於考試處

學百里以外者其月課在州從州在縣從縣令州縣帶理府學生員千犯學規亦許州縣學教官約束又議準直省儒學

每年十一月取具生員並無抗糧包訟五人互結彙送學臣查核監生視此例七年議準覺羅八旗按旗各擇官房一所

立爲衙署旁設滿漢學各一又議準覺羅讀書子弟令該管王公等每年春秋二季考驗三年後

宗人府考試優者記名獎勵次者留學教訓劣者黜退學成與旗人同應歲科及鄉會試並考用中書筆帖式等官又議

準設立

又議準滿洲蒙古每參領下各設學舍一所十二歲以上幼丁均準入學習清文

學習清文令各在本旗就近地方設立學舍一所每佐領下簡選一二人專教習清文又議準直省地方官各將

欽定卧碑

日該教官率生員貢監詣明倫堂行三跪九叩禮畢教官恭捧宣讀令其拱聽又恭選

優等生員並貢監等皆令分班陪列行禮督撫到任學臣按試祇謁

敕嗣後教官沾名邀譽縱容劣生不行舉報者經學臣察出立即指參將教官照溺職例革職若學臣瞻徇情面不行糾察者一

選舉略三

經發覺將學臣照例降級調用十年奏準奉天八旗漢軍每兩旗合立一學其設四義學每學設清文教習一員專司訓課又○○○敕賜各省會書院裕金各一千兩又定宗學各以翰林官二人分日入學講解經義指授文法又議準凡府州縣修理○○○文廟學宮動支學租令該教官敬謹守護交代十二年議準直省○○○文廟祭器該管官離任交代又議準○咸安宮官學諸生五年一次派官考試優劣分作二等勸懲景山官學生考試同又議準○咸安宮原設清話騎射步射教習九缺以三缺改補繙譯教習五年期滿議敘

乾隆元年議準八旗世職年二十以下者分撥各旗官學教習三年期滿該旗大臣考試分別引○○見錄用每學各增漢教習一人各撥教射教習一人又

上諭教職乃師儒之官有督課士子之責查舊例教職兩官同食一俸未免不敷養廉著從乾隆元年春季為始照各員品級給與全俸永著為例又

敕舉貢生員等著概免難差俾得事心肄業倘於本戶外別將族人借名濫充仍將本生按律治罪又議準○咸安宮教習於新科進士內揀選引○○見充補又奏準八旗廢員精於繙譯人品老成者與繙譯進士舉人生員並恩拔副歲貢生一體考取滿教習又議準停止生監緣事被褫不許出境及生監歲終互結生員赴學掛號截記之例又議準生員有犯應戒飭者地方官會同教官具詳學臣批准後方許在明倫堂撲責又奉

上諭書院之制所以導進人材廣學校所不及我○○○世宗憲皇帝命設之省會發帑金以資膏火恩意至渥也該部即行又各省督撫學政凡書院之長必選經明行修足為多士模範者以禮聘請貢笈生徒必擇鄉里秀異沈潛學問者肄業其中其恃才放誕悖逆不羈之士不得濫入書院中酌做朱子白鹿洞規條立之儀節以檢束其身心俟分年讀書之法予之程課使貫通乎經史有不率者則擯斥勿留學臣三年任滿諮訪考核如果教術可觀人材興起各加獎勵六年之後著有成效奏請酌量議敘諸生中材器尤異者準令薦舉一二以示鼓舞二年奏準○咸安宮教習於進士舉人內考試選取充補又定○盛京照○京師例宗室覺羅共設一學分清漢書肄業兼習騎射又議準○盛京官學讀書之宗室覺羅等交將軍府尹每年會同宗學總管稽考分等註冊三年議準宗學設總稽課程各二人○○○欽命滿漢京堂充之每月試經義繙譯又射藝各一次又議準宗學生徒每歲秋季試繙譯及經義時務策各一道分別去取又

敕凡遇地方賑貸之時著該督撫學政飭令教官將貧生等名籍開送地方官核實詳報視人數多寡即於存公項內量撥糧

米移交本學教官均勻散給資其體粥如教官開報不實給散不均及爲吏胥中飽者交督撫學政稽察卽以不職參治至各省學租務須通融散給極貧次貧生員俾沾實惠又奏準官學八旗年幼子弟三年後擇其材質聰穎習通漢文者歸漢文班教習年齒已長願學繙譯者歸滿文班教習又奏準學生歸漢文班者每三年監臣錄其可以應考者奏請
○欽點大臣來監考取攻其明通者授爲監生由官學而升太學期滿擇尤異者保舉考選錄用又定八旗世職在官學學習三年期滿考試引○見錄用其雖滿三年而未及二十歲者仍留學讀書俟滿二十歲然後請○旨考試又○敕浙江敷文書考加勛幣金一千兩五年○欽頒太學訓飭士子文八年○欽定○文廟樂章頒發曲阜及天下學宮又奏準考取八旗義學繙譯教習務擇其年逾三旬行無匪僻者具結送部驗明考試其○國語教習亦照此例送考九年議準書院諸生宜嚴加甄別令駐省道員專司稽察又議準宗學五年奏請○欽命大臣合試左右翼學生凡本年考取一二等及往年考取一等並在家肄業願觀光者咸準與考拔取佳卷進呈○御覽由宗人府引○見以會試中式註冊俟禮部會試之年習繙譯者與八旗繙譯貢士同引○見○賜進士以府屬額外主事用習漢文者與天下貢士同○殿試○賜進士甲第又議準直省文武大員及各屬正印官於朔望恭詣○文廟行香禮畢後親詣○崇聖祠行禮十年議準書院肄業士子令院長將經學史學治術諸書留心講貫再以餘功兼及對偶聲律之學至每月月課仍以八股爲主或論或策或表或判酌量兼試又○欽頒訓飭士子文通行天下學宮同○聖祖仁皇帝聖諭廣訓○世宗憲皇帝御製朋黨論令教官於朔望日一體宣講永遠遵行十一年奏準滿洲助教員缺除舉人及恩拔副歲貢生仍照舊考試外其現任筆帖式等止準舉人及恩拔副歲貢生出身之筆帖式坐補至於考試如果清漢兼優方準錄取引○見充補教習十五年奏定考試滿助教準多取數人咨呈吏部引○見侯記名後遇缺換補十六年奏定官學漢教習員缺嗣後先期請○命大臣一二人至監會同監臣公同考取十七年議準八旗未及歲之世職於八旗兩翼各設官學二所○簡命一二品大臣專管教訓並設教習○國語及騎射之人三年期滿管學大臣請○旨特簡王公大臣考試分別辦理又奏準八旗世職既經於兩翼設立官學教導將現在官學肄業之世職子弟咨回各旗所有八旗官學各增設之漢教習一人亦行裁汰教射教習亦咨回本旗行走教射教習既經咨回則每學教射未有專員嗣後將蒙古教習之每學二人以一人教習字話以一人教習騎射行文該旗遊語音嫻熟弓馬可觀者充補二十年重申地方官約束生監之○命二十一年奏準裁宗學漢教習九人改爲繙譯

教習其教習騎射每翼各止二人應各增一人其教導盡心者咨各旗於應陞處列名懶惰者參奏治罪二十二年議定
○咸安宮滿教習凡各部院衙門現任筆帖式準與應考之繙譯進士舉人一體應考取用後仍食原俸無庸開缺二十三年

上諭國家設立學校原欲教育人材乃自設立義學以來不過僅有設學之名無教育人材之實且既設有咸安宮國子監官學復加恩於左右兩翼各設教訓世職官學則八旗有志讀書者儘可於此等官學內肄業似此有名無實之義學適足爲貽誤旗人之地所有義學者卽行裁去二十八年考試宗學覺羅學滿教習準令各部院衙門筆帖式與繙譯生員一體考試補用仍食原俸無庸開缺三十年

上諭楊應琚奏甘肅蘭山書院於去歲延請丁憂在籍之府丞史茂來主講席此甚非是督撫有維持風教之責縉紳中積學砥行足備師資者諒不乏人何必令丁憂人員覲居講席是應聘者固不能以禮自處而延請地方大吏亦復不能以禮處人於風化士習頗有關係恐他省不無類此者特爲明切曉示通諭知之三十一年議準官學生肄業統以十年爲率習漢文者不能進學習繙譯及清文者不能考取中書筆帖式庫使概令咨回本旗另挑差使其現在在學諸生卽令該監查明辦理三十四年

敕嗣後學政舉報優生照選拔貢生之例會同該督撫一體考核果屬文行兼優者準其會銜保題其報劣之例照舊加意核實辦理又議準烏魯木齊設立學額其文章考試令陝甘學政封題送駐劄大臣嚴行局試試畢封送學政按額取進武童外場仍用雙好單好字樣區別取進三十六年議準○盛京學宮需用樂舞等器按照○欽定皇朝禮器圖如式製造其額設樂舞生酌選稍通音律者送太常寺肄業俟熟諳時咨回本學令其轉相傳授三十八年議準廩生報劣先停支廩糧估過不悞者卽行斥革如果改悔自新俟報部核準後再行開支三十九年

敕宗人府查明王公等子弟內如尙能延師之家仍各任其在家學習其不能延師者俱令入宗學加意教訓著宗人府王公不時詳察仍每月考察一次若此後尙有不能清語者經朕察出其在學讀書者將宗人府王公及教習等一併治罪其在家讀書者將伊父兄一併治罪并著宗人府王公等詳察在學勤惰一年之內何人常到學何人不到學其不到學幾月並因何不到緣由俱著註明照稽察王公等祭禮肅戒朝期之例繕寫清單於每年冬彙奏一次四十年議變廩生考列四等停廩不開缺限六月送考定奪四十一年奏準廩生出貢各該學政當堂填給貢單其赴監肄業者取本籍

地方官文結並親齋貢軍投驗倘無單呈驗除駁回外將遺漏給單之學政參處是年○○敕熟河添設學校加廣庠額尋議準熟河本無土著凡流寓民人身家清白寄籍二十年者俱準考試令各廳取定名數申送道考由道轉送學政考取人學並令每廳各設義學一處延請品學兼優之士分司訓課四十九年六月議覆官學教習報滿令其仍居學中訓課俟應補之人到學再令離學其新補教習以部文到學之日起算違限十日不到者照京官赴任違限十日例議處至管學衙門嗣後於教習報滿先期一月咨會禮部俾早傳應補之人及期接替

皇朝通志卷七十五

刑法略

臣等謹按刑者政之一端所以輔德禮而行者也德禮之所不格則刑以治之而立法垂制要不越乎德禮之本意其用之之道則寬嚴輕重協中爲難我○大清肇造東方民淳法簡大辟而外設以鞭笞自○○世祖章皇帝統有萬邦禮明樂備爰○○敕廷臣詳釋明律參以○國制定爲律例成書○○列聖相承因時制宜復加損益揅理華情緣情定法有司於是知所遵守罔敢弗欽矣伏考○○列朝實錄所載○○詔旨事蹟明慎用刑義裁仁育莫不適於大中而衷於至當甄陶訓迪○○德義精詳○○皇上體○○上帝之好生監○○列祖之成憲矜愍庶獄建中於民自○○御極以來凡遇奏讞章疏反覆研究務得事理之平每歲秋○朝審招冊先期○○推勘再三○○臨勾時又復與閣臣法司官○○虛公講論罪囚之情真罪當者固不能廢法以曲全苟有一縷可原則必爲求其可生之理其或案情相類而用法懸殊其間細微同異之故銖兩權衡不使稍混於疑似益○○聖人之心鑒空衡平惟以一理爲斷法司以及封疆大吏雖莫不兢兢執法不免偶有輕重之失每一○○詔下一令設而後曉然帖然於○○聖主之執兩用中仁之至而義之盡也至於寬緣坐以存國體嚴侵貪以儆官邪重服制以扶倫常辨寃誣以抑勦實實與吏治官方人心風俗相爲表裏弼教之道止辟之義胥在是焉○○等續纂○○皇朝通志體例一本鄭樵考鄭志刑法畧惟刑制刑議赦宥三門我○朝法制詳明會典所載凡列刑制律綱聽斷秋○朝審欽恤五門今以肉刑附於刑制之後其律綱聽斷秋○朝審欽恤四門各自爲卷仍標以刑制原題而分別子目於欽恤門析出赦宥而以放生終焉期於克備○昭代之憲章而復不紊鄭樵之體例至於○○實錄○○記注所書○○詔諭凡論列刑名而垂爲令甲者俱敬謹備載○○聖謨洋洋超軼二典允足以昭萬世之法守云

刑制 內刑附

凡五刑之制一曰笞自一十至五十凡五等用小荆杖決責受後改小竹板一十折四板二十折五板三十折十板四十折十五板五十折二十板旗人及旗奴犯笞者以鞭代不折責杖罪同一日杖自六十至一百凡五等用大荆杖決責受後改大竹板六十折二十板七十折二十五板八十折三十板九十折三十五板一百折四十板凡行杖之數不得過一百罪重於杖者枷示自一月至三月皆枷滿日折責三日徒自一年至三年凡五等一年杖六十年杖七十二年杖八十二年杖九十三年杖一百各依年限應役滿回籍若犯遷徙者準徒二年雜犯流罪準徒四年雜犯斬絞準徒五年並杖一百均於充徒之所折責軍流同旗人旗奴犯徒者折枷示一年折枷二十日一年半折二十五日二年折三十日二年半折三十五日三年折四十日準徒二年者與徒二年同準徒四年者折五十日五年折六十日各按杖數鞭責惟漢軍家奴問擬實徒不準折枷四日流流之遠方終身不返折二千里二千五百里三千里爲三等三流並杖一百惟緣坐者不杖旗人犯流二千里者折枷五十日二千五百里者折五十五日三千里者折六十日並鞭一百惟毆死有服卑幼罪應杖流者如情節慘忍發往黑龍江三姓等處旗員中有誣告訛詐行同無賴不顧行止者亦如之其實繁寡廉鮮恥有玷旗籍者無論滿洲蒙古漢軍均削去本身戶籍依律發遣不在折枷完結之例旗僕有犯發駐防兵丁爲奴罪重於流者爲軍附近發二千里近邊發二千五百里遠邊發三千里極邊及烟瘴皆發四千里五軍均發衛所改設州縣者則發各州縣惟奉天直隸不安置軍流至成所並杖一百旗人犯附近軍折枷七十里近邊七十五日遠邊八十里極邊及烟瘴九十日並鞭一百旗奴犯軍者亦如流例罪又重於軍者爲發遣強盜免死減等及強盜已行而不得財者造讎緯妖書惑人不及眾者叛案緣坐應給兵丁爲奴者誘取良人子女勒賣爲從者一應左道惑人爲從者聚眾十人以上販私拒捕傷人爲從者俱發黑龍江等處給披甲人爲奴餘俱改發雲貴兩廣極邊烟瘴地方安置其軍流情重者亦令加至黑龍江等處爲止旗人正身當差旗僕爲奴罪又重者發新疆伊犁烏魯木齊等處人犯共二十二項除情節尚非積猾兇徒易於約束六項仍發新疆外其餘十六項又益以搶奪傷非金刃平復一條爲十七項此十七項人犯在新疆須人種地耕屯則發新疆若遣犯過多慮難約束則仍照原例改發內地其情罪重大加不至死者發新疆給厄魯特爲奴凡改發新疆人犯旗人曾任職官及另戶正身民人舉監生員以上並職官子弟俱當差餘均爲奴當差不刺爲面刺外遣者面刺外遣由新疆改發內地者面刺改遣各字樣凡